

# DASAR ALAM SEKITAR NEGARA (DASN)

Dasar Alam Sekitar Negara (DASN) telah diwujudkan untuk meneruskan kemajuan ekonomi, sosial dan budaya serta peningkatan kualiti hidup rakyat Malaysia menerusi kesejahteraan alam sekitar dan pembangunan lestari.

Tujuan DASN:-

Mencapai alam sekitar yang bersih, selamat, sihat dan produktif bagi generasi masa kini dan masa hadapan. Pemuliharaan kebudayaan dan warisan semulajadi yang unik dan pelbagai dengan penyertaan berkesan semua sektor masyarakat melalui cara hidup, pola penggunaan dan pengeluaran yang lestari.

Lapan (8) prinsip di bawah DASN:-

## **Pengawasan Alam Sekitar**

Menghormati dan berperihatin terhadap alam sekitar mengikut standard moral dan etika yang tertinggi.

## **Pemuliharaan Ketahanan Dan Kepelbagaian Alam**

Memulihara ekosistem semula jadi untuk memastikan keutuhan kepelbagaian biologi dan sistem-sistem sokongan hidup.

## **Peningkatan Berterusan Kualiti Alam Sekitar**

Memastikan peningkatan berterusan dalam produktiviti dan kualiti alam sekitar ketika mengejar objektif pertumbuhan ekonomi dan pembangunan manusia.

## **Penggunaan Lestari Sumber-Sumber Asli**

Menguruskan penggunaan sumber asli untuk mengekalkan asas sumber dan keutuhan alam sekitar.

## **Membuat Keputusan Bersepadu**

Mengintegrasikan dimensi alam sekitar ke dalam perancangan dan pelaksanaan dasar, objektif dan mandat semua sektor.

## **Peranan Sektor Swasta**

Memperkukuhkan peranan sektor swasta dalam perlindungan dan pengurusan alam sekitar.

## **Komitmen dan Kebertanggungjawaban**

Memastikan semua pembuat keputusan di sektor awam dan swasta, pengguna-pengguna sumber, pertubuhan bukan kerajaan dan orang awam mempunyai komitmen tertinggi terhadap perlindungan dan kebertanggungjawaban ke atas alam sekitar ketika membentuk, merancang dan melaksanakan aktiviti masing-masing.

## **Penyertaan Aktif dalam Masyarakat Antarabangsa**

Menyertai secara aktif dan berkesan dalam usaha serantau dan sejagat ke arah pemuliharaan dan pembaikan alam sekitar.

